



Broj: 13-11-4-10000/24  
Sarajevo, 18.02.2025. godine

Na osnovu člana 69. stav (3) Zakona o javnim nabavkama ("Službeni glasnik BiH", br. 39/14, 59/22, 50/24), člana 146. Statuta Općine Novo Sarajevo ("Službene novine Kantona Sarajevo", br. 5/20 - prečišćeni tekst i 20/20 - ispravka), a na prijedlog Komisije za javne nabavke roba, radova i usluga, Općinska načelnica donosi

## ODLUKU o otkazivanju postupka javne nabavke

### I

Otkazuje se postupak javne nabavke radova „Nužne popravke na objektima kolektivnog stanovanja za sanaciju ratne štete - sanacija krovova“, iz utvrđenih razloga koji su izvan kontrole Ugovornog organa, a koji se nisu mogli predvidjeti u vrijeme pokretanja predmetne javne nabavke.

### II

Za izvršenje ove Odluke zadužuje se Služba za zajedničke poslove.

### III

Stavlja se van snage Odluka o izboru najpovoljnijeg ponuđača broj: 13-11-4-10000/24 od 05.12.2024. godine.

## Obrazloženje

Postupak javne nabavke proveden je putem otvorenog postupka, a pokrenut je na osnovu Odluke Općinske načelnice broj: 13-11-4-10000/24 od 04.11.2024. godine.

Procijenjena vrijednost javne nabavke sa PDV-om je: 85.000,00 KM (slovima: osamdesetpetiljada i 00/100 konvertibilnih maraka).

Obavještenje o javnoj nabavci broj: 935-1-3-217-3-327/24 objavljeno je na portalu javnih nabavki dana 12.11.2024. godine.

Komisija za javne nabavke roba, radova i usluga je imenovana Rješenjem Općinskog načelnika o imenovanju Komisije za javne nabavke roba, radova i usluga u postupcima nabavke čija procijenjena vrijednost prelazi 250.000 KM broj: 01-30-5-8226/23 od 17.10.2023. godine, te Rješenjem Općinske načelnice broj: 01-11-4-1272/25 od 06.02.2025. godine.

U predmetnom postupku utvrđeno je da je Komisija za javne nabavke roba, radova i usluga u postupcima nabavke čija procijenjena vrijednost prelazi 250.000 KM, blagovremeno i pravilno izvršila otvaranje ponuda i ocjenu jedine prispele ponude, o čemu je sačinila Zapisnike, u kojima je utvrđeno slijedeće:

Iz Zapisnika sa otvaranja ponuda vidljivo je da je do dana 03.12.2024. godine, pristigla ponuda slijedećeg ponuđača:

Red. Br.	Naziv i sjedište ponuđača	Ukupna ponuđena cijena sa PDV-om
1.	GALBOLS d.o.o. Sarajevo	84.994,46 KM

Nakon izvršenog otvaranja ponuda, Komisija za javne nabavke roba, radova i usluga je pristupila analizi dokumentacije pristiglih ponuda u smislu provjere njene validnosti, obzirom na iskazane zahtjeve ugovornog organa u tenderskoj dokumentaciji, odnosno vrednovanju ponude u skladu sa pravilima i



procedurama utvrđenim tenderskom dokumentacijom, Zakonom i podzakonskim aktima, te je konstatovala slijedeće:

Ponuda ponuđača GALBOLS d.o.o. Sarajevo je **prihvatljiva** jer ispunjava kvalifikacione uslove (lična sposobnost, sposobnost za obavljanje profesionalne djelatnosti, ekonomske i finansijske sposobnosti, tehničke i profesionalne sposobnosti) zahtijevane u tenderskoj dokumentaciji.

Komisija je nakon pregleda dokumentacije priložene uz dostavljene ponude u smislu člana 65. stav (1) i (2) Zakona ocijenila ponude kvalifikovanih ponuđača, primjenjujući kriterij najniže cijene, te sačinila rang listu kako slijedi:

Redni br. na rang listi	Naziv/ime ponuđača	Ukupna ponuđena cijena sa PDV-om
1.	GALBOLS d.o.o. Sarajevo	84.994,46 KM

U skladu sa navedenim Komisija za javnu nabavku roba, radova i usluga predložila je Općinskoj načelnici da u skladu sa odredbama člana 64. stav (1) tačka b) Zakona o javnim nabavkama donese Odluku o izboru najpovoljnijeg ponuđača, te da se ponuđaču GALBOLS d.o.o. Sarajevo dodijeli Okvirni sporazum na period od 1 (jedne) godine, čija ponuda je ocijenjena kao najpovoljnija, na osnovu kriterija najniža cijena, u ukupnom iznosu ponude od 84.994,46 KM (slovima: osamdesetčetirihiljaddevetstotina devedeseetčetiri i 46/100 konvertibilne marke) sa PDV-om,

Nakon donošenja Odluke o izboru najpovoljnijeg ponuđača broj: 13-11-4-10000/24 od 05.12.2024. godine, te pravosnažnosti iste, Služba za zajedničke poslove je dostavila Službi za komunalne i stambene poslove i saobraćaj dokumentaciju kako bi se pristupilo zaključivanju Okvirnog sporazuma sa odabranim ponuđačem.

Dana 04.02.2025. godine Komisija za javnu nabavku roba, radova i usluga je zaprimila zahtjev za otkazivanje javne nabavke: „Nužne popravke na objektima kolektivnog stanovanja za sanaciju ratne štete - sanacija krovova“, od strane Službe za komunalne i stambene poslove i saobraćaj.

Naime, predmetna javna nabavka je pokrenuta na osnovu sredstava obezbijedenih Sporazumom o sufinansiranju na realizaciji Projekta „Sistemska sanacija objekata oštećenih ratnim dejstvima -sanacija krovova“ na području Općine Novo Sarajevo u saradnji sa Ministarstvom komunalne privrede, infrastrukture, prostornog uređenja, građenja, i zaštite okoliša Kantona Sarajevo, br.10-11-4-7358/24 od 11.10.2024.godine.

U skladu sa članom 8. Sporazuma „Rok za izvršenje radova i realizaciju sporazuma je 31.12.2024.godine“. Obzirom da je Sporazum zaključen u mjesecu oktobru, Služba za komunalne i stambene poslove i saobraćaj Općine Novo Sarajevo se u proteklom periodu obraćala navedenom Ministarstvu kojim je traženo produženje roka Sporazuma tj.potpisivanje Anex-a Sporazuma. Do isteka roka za izvršenje radova i realizaciju sporazuma iz tačke 8. Sporazuma, Ministarstvo nije dostavilo povratnu informaciju u vezi produženja istog, čime bi se stekli uslovi za realizaciju javne nabavke.

S obzirom da je osnovni Sporazum br.10-11-4-7358/24 od 11.10.2024.godine istekao dana 31.12.2024. godine, te da potpisivanje Anex-a Sporazuma nije moguće, predloženo je da se predmetna javna nabavka otkáže s obzirom da se radi o okolnostima koji su van kontrole ugovornog organa i koji se nisu mogli predvidjeti u vrijeme pokretanja javne nabavke.

Općinska načelnica je saglasna sa prijedlogom Komisije za javne nabavke roba, radova i usluga koja je u postupku ocjene provedenog postupka postupila u skladu sa Zakonom o javnim nabavkama, podzakonskim aktima i tenderskom dokumentacijom.

Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove

tel: (387 33) 492 112, fax: (387 33) 492 145, email: zajednickiposlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.





U navedenih razloga, primjenom člana 69. stav (3) Zakona o javnim nabavkama, odlučeno je kao u dispozitivu ove Odluke.


**Pouka o pravnom lijeku:**

Protiv ove Odluke može se izjaviti žalba, najkasnije u roku od **10 (deset) dana** od dana prijema.

Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje 3 (tri) primjerka. Naknada za pokretanje žalbenog postupka plaća se u korist budžeta institucija Bosne i Hercegovine i međunarodnih obaveza Bosne i Hercegovine, u skladu sa članom 108. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH („Službeni glasnik BiH“ broj: 61/24).

**OPĆINSKA NAČELNICA**

**Prof. dr. Benjamina Karić**



**DOSTAVLJENO:**

1. GALBOLS d.o.o. Sarajevo
2. a/a

Općina Novo Sarajevo, ulica Zmaja od Bosne br. 55, centrala telefon (387 33) 492 100  
Služba za zajedničke poslove

tel: (387 33) 492 112, fax: (387 33) 492 145, email: zajednickipostlovi@novosarajevo.ba  
Identifikacioni broj: 4200558710008 PDV broj: 200558710008 Porezni broj: 0170333000  
Depozitni račun 1411965320011288 Bosna Bank International d.d.



